

504. *Habenaria quinquefila* Schltr., spec. nov.

Terrestris, erecta, c. 35 cm alta; caule stricto vel substricto, c. 9-foliato, tereti, glabro, 3—4 mm diametiente; foliis erecto-patentibus, ovalibus vel oblongo-ellipticis, acutis vel subacuminatis, glabris, usque ad 7 cm longis, medio fere usque ad 2,5 cm latis, superioribus lanceolatis bene minoribus; racemo sublaxe multifloro, c. 10 cm longo; bracteis erecto-patentibus, lanceolatis, acuminatis, inferioribus ovarium subaequantibus, superioribus sensim brevioribus; floribus in genere medio-cribus, glabris; sepalo intermedio erecto, ovali, obtuso, 4,5 mm longo, lateralibus deflexis oblique ellipticis, obtusiusculis, intermedio brevioribus; petalis alte bipartitis, partitione posteriore lineari-ligulata, subfalcata, obtusiuscula, 4,25 mm longa, partitione anteriore filiformi, 6 mm longa; labello usque ad basin tripartito, partitione intermedia filiformi, acuta, c. 10 mm longa, lateralibus filiformibus acutis, 1,2 cm longis, calcare dependente, filiformi, 2 cm longo, acutiusculo; anthera humili, canalibus pro sectione brevibus adscendentibus; brachiis stigmatiferis semi-oblongis, quam canales subbrevioribus; ovario graciliter cylindraceo, torto, pedicello incluso c. 1,5 cm longo, glabro.

Guatemala: Locis graminosis inter Copan et Gualán — Bernoulli u. Cario, Aug. 1870.

Mir scheint die Art am besten neben *H. crassicornis* Ldl. untergebracht zu werden, von der sie sich durch den Sporn und kahle Segmente der Sepalen und des Labellums unterscheidet.